

DISSERTATIO MEDICA
INAUGURALIS
DE
SUCCINO,

EJUSQUE SUMMA IN MEDICINA
EFFICACIA,

QUAM,

FAVENTE NUMINE DIVINO,

Ex Auctoritate Magnifici Rectoris,

D. BERNHARDI ALBINI,

SACRÆ REGIÆ MAJEST. IN PRUSSIA CONSIL. AULICI

ET ARCHIATRI. MED. THEORETICO-PRACTI-

CÆ IN ACAD. LUGD. BAT. PROFESSORIS,

NEC NON

Amplissimi Senatus Academici Consensu,

& Nobilissimæ Facultatis Medicæ Decreto,

PRO GRADU DOCTORATUS

Summisque in MEDICINA Honoribus & Privilegiis ritè

ac legitimè consequendis,

Publico & solenni examini subjicit

MELCHIOR PHILIPPUS HANEMANN,

REGIOM: PRUSS,

Ad diem 10 Julii, hora locoque solitis.



LUGDUNI BATAVORUM,

Apud ABRAHAMUM ELZEVIER, Academiz

Typographum. M DCC X.

AUGUSTISSIMO, SERENISSIMO

ATQUE POTENTISSIMO PRINCIPI

AC DOMINO,

DOMINO

FRIDERICO,

REGI PRUSSORUM,

MARCHIONI BRANDENBURGICO,

S. R. I. ARCHI-CAMERARIO ET ELECTORI,

SUPREMO ARAUSIONIS ET NEOCOMI

PRINCIPI,

MAGDEBURGI, CLIVIÆ, JULIACI, MONTIUM,

STETINI, POMERANORUM, CASSUBIORUM, VINI-

DORUM ET MEGAPOLIS, ITEM IN SILESIA,

CROSNAE

DUCI,

BURGGRAVIO NORIMBERGENSI,

PRINCIPI HALBERSTADII, MINDÆ, CAMINI,

VANDALIÆ, SVERINI, RACEBURGI & MEURSÆ,

COMITI HOHENZOLLERIÆ, RUPINI, MARCÆ,

RAVENSBERGÆ, HOHENSTEINII, TECKLENBURGI,

LINGÆ, SVERINI, BURÆ & LEERDAMI,

MARCHIONI VEHRÆ & VLISSINGÆ,

DYNASTÆ RAVENSTEINII, ROSTOCHII, STAR-

GARDIÆ, LAUENBURGI, BUTOVIAE, ARLAIÆ AC

BREDÆ, &c. &c. &c.

PATRI PATRIÆ,

PIO, JUSTO. FELICI,

Regi ac Domino suo longè Clementissimo

SACRUM!



AUGUSTISSIME R E X



on tantum succini exi-
mius solisque æmulus fulgor Veteres Græcos
impulit, ut sole Electore vocitatô, electri vo-
ce quoque illud donarent, sed & insignis
virtus, quâ solis radiis inardescens quævis
sibi subjecta celeriter ad se rapit. Id quod
vel indè facile cuivis noscere est, quod & hisce tempori-
bus nullius telluris amore detineatur, nisi ubi sol habitat
almus, qui crebra fulgura ipsi impertit, ut præ cæteris, quibus in
hac virtute palmam præripit gemmis, perpetuò in luce ver-
setur. Nullibi terrarum namquè meliorem Phoebum repe-
riens, **TE, REX AUGUSTISIME**, Optimum Solem so-
lum sibi delegit, **TUIQUE** Soli solius domicilium sibi com-
paravit. Lumina **TUA** radiantia gratiæ plena toties sibi de-

fixa sensit, quoties Virorum ingenia solertia sibi affixa
tenuit. A percussu hujus Luminis radiis & mea studia le-
viora exagitata, & in motum concitata ad idem resilierunt,
quæ, ut firmius ipsi adhæreant, à Luce TUA irradianda ad
pedes TUOS advolvuntur. Quæ nunquam satis digna
Tanti Luminis irradiatione evadere possunt, neminem un-
quam pro merito Gratiam Tanti REGIS promeruisse quum
palam sit, unitis viribus coeterorum mens devotissima sup-
plex compensatura, pro Benignissimi Luminis nostri Lumine
in ævum coruscante ad Numen Divinum ardentia suspiria
piissima perpetim mittere nec in ultimò vitæ halitu cessabit.

AUGUSTISSIME
R E X
REGIÆ TUÆ MAJESTATIS

cliens humillimus

M. P. Hartmann

I. N. I.

P R Æ F A M E N

In eligendâ materiâ diu anceps hærens monitum tandem Horatii perpendi.

*Sumite materiam, vestris, qui scribitis equam
Viribus, & versate diu, quid ferre recusent,
Quid valeant humeri.*


Jam à puerô auspiciô B. Parentis scientiam de succinô comparare naviter intendi, quum & audiendi & intuendi, quæ de eo memorabilia obvenerunt, semper æqua mihi fuerit potestas. Plurima quidem jam ab Ipsô prolixè satis, tam quæ Historiam Civilem, quam quæ Physicam concernunt, in binis Tractatibus, quorum alter F.Fti An. 1667., alter verò ex mandato S. R. *Majestatis* in Prussiâ Berolini typis impressus, sunt tradita, pauca verò, quæ medicum respiciunt usum, in iisdem sunt commemorata: Adeoque adhucdum Amicorum certorum sollicitationibus expugnatus, quum neutrorum ferè ullus vendibilis proftet, de eô Dissertationem Inauguralem consignare animum induxi, partim monito Horatii obtemperare, partim desideriis Amicorum respondere gestiens. Eâ tamen ratione, ut nec istius dicti immemor sim.

*Quicquid compones, esto brevis, ut citò scripta
Percipiant animò dociles, teneantque fideles.*

Indequè adeò brevitati studui in iis, quæ jam dicta sunt, nondum commemorata verò prolixiorẽ edisserendi facultatem esse concessam autumans. Ex hisce interim scribere quæ rectè nescio, decedo peritis, & si quis me forsan error opprimit, me submitto sinceris. Intereâ levem huncce laborem Quibusdam placuisse ubi rescivero, in sinu gaudebo, & quodsi ampliorẽ Tractatum, qui B. Parentis scripta ac annotata, meaque adjuncta cum Autorum designatione complectatur, expeti sensero, ad morem iis gerendum animum appellam. Hic verò Præfamini ultimam lineam addens, veniam pro laude peto, laudatus abundè, non fastiditus si Tibi Lector ero.

Caput Primum.

De Etymologia, Homonymia & Synonymis.

§. 1.  Tymologiam vocis succini præmittere mos consuetus postulat, interim persuasi sumus, nullum alium fructum ex vocis hujus originis inquisitione, ejusdemque explicatione, reportari posse, quam solam certitudinem de falsâ veterum sententiâ, quâ ducti, arboris succum esse credentes, ob id succinum appellarunt. Vocem namque hanc Latinis ortum suum debere, sufficienter indicant Beroaldi versus.

*Et dives pecoris feraxque gemma,
Quod glessum vocitant tui Parentes,
Electrum Attica, succinum Latini.*

§. 2. Quod ad Ejus significationem propriam spectat, hanc lippis & tonsoribus notam esse arbitramur, adeoque indicatione ulteriori haud indiget. Impropria verò quum rarissimè occurrat, in disquisitionem venit. Inservit nonnunquam Chymicis sub eo nomine rem plane aliam declarantibus. Ita sæpius succinum Antimonii nuncupant ejus vitrum. Paracelsus Mentionem facit alicubi ovi cocti à sole in succinum coagulati; Huncque eodem experimento suscepto plures sunt sequuti. Idem alibi, quando succinum Corporis semen allicere dicit, per id Matricis vim attractricem intelligit. Et ad delicias ejus respectum habens Nero Domitianus, Capillos Conjugis suæ Poppææ in hoc nomen adoptavit, eos carmine quodam succina appellando. Placuit quoque nonnullis Ambram Gryseam vocitare succinum Orientale.

§. 3. Synonyma ejus varia obveniunt, & quod gens quævis vernaculâ linguâ nomen olim imposuit, in latinum transmutatum, usuque postmodum receptum passim legitur. Sic ab Atticâ gente electri mutamur, quando succini nomen mutuatur Latina; Germani Glessi, priscique Pruteni Gentari voce donarunt. Ab Italis quondam denominatum thieum, theion, thyeion, à Scythis sacrium vel Agryon, à Syris Ketaph, ab Ægyptis Sacal, ab Arabibus Ambra, Abra, Arabar, vel ambarum, a Persis Carabe, Charabe, Karabe.

§. 4.

§. 4. Propriô Idiomate hôc ævô Curones vocant sintre, Lithuani Gintars vel Gentars, Sudavientes sive Sudini Genitar, Germani Augstein / Augstein / bornstein / priscis Germanis sub voce Schioalternich & Glass notum fuit succinum, undè Insulas Glassarias quidam derivant. Poloni nominant Bursztyn, Galli ambre, Carabé, succin, Itali Ambra, Elettro, succinô, Angli Amber, Dani Raff.

§. 5. Restat adhuc, ut sententiam nostram de cœteris Synonymis æque ac Homonymis, quæ hinc illinc ab auctoribus quibusdam minimè rectè usurpata inveniuntur, aperiamus. Illis verè sunt abusi, quod de origine atque generatione ejus falsas conceperint opiniones: Indè adeò postea evenit, ut partim lyncurium, partim Gagaten, partim petroleum, partim Ambram gryseam per idem intellexerint. Hæc, quæ omnia, ac singula ex subsequentiis faciliùs innotescant.

Caput Secundum.

De variis Autorum sententiis circa Generationem succini, verâque ejus Descriptione.

§. I. **I**s itaque expositis, quæ ad vocis significationem enodandam quidpiam contulerunt, ad descriptionem ejus ut nos jamjam convertamus, ratum habemus. Maximè verò de ejus generatione Auctores ambigunt; Horumque singulas sententias persequi magnitudo pagellarum vetat. Quapropter ut quomodocunque tamen Curioso Lectori satisfaciamus, quasdam ex hisce tantum paucis dabimus.

§. II. Fabulosa commenta Poëtarum sese nobis primò offerunt, atque inter illa haud postremum obtinuit locum illud de Phaëtonis fulmine icti sororibus, fletu in populos, vel uti alii volunt, in alnos mutatis, Lachrymis electrum quotannis fundentibus. Ut innuit Ovidius.

*Vos quoque felices, quarum Clamantia fratrem
Cortice velavit populos ora novô.*

atque idem alibi pergit,

*Inde fluunt Lachrymæ: stillataque sole rigescunt
De ramis electra novis, quæ lucidus Amnis
Excipit, & mirribus mittit gestanda Latinis.*

Expetunt quoque electrum esse appellatum, quando sol sit vocatus Elector; inde solis radiorum succum esse autumarunt.

§. III. Haud multum ab illô commentô abludit fictio, quâ e Lachrymis avium Meleagridum Meleagrum deflentium succini Originem derivandam esse existimarunt alii, hujusque generis plura figmenta apud Poëtas reperiuntur, in quorum numerum & illud de Virginibus Hesperidum, ex Magno Horto Hesperidum in stagnum cadens succinum colligentibus, referendum.

§. IV. De Philosophorum veterum sententiis, ut quoque quasdam adjiciamus, lubet præmittere eam, quâ crassè satis electrum pro Lyncurio habitum, ex urinâ bestiarum Lyncum, alias Languriarum vel Langarum nuncupatarum, ortum suum deducere haud dubitarunt.

§. V. Eâdem Chordâ ferè oberrarunt quoque, qui ex insulâ Sylvoſa Oserictâ defluere in petras asseverare conati sunt. Undè etiam facilè error ortus, ut petroleo nomen succini quandoque sit impostum; Et qui pro purgamento maris concreti æstimarunt, haud minus à veritate aberrarunt.

§. VI. Nec quoque rem acu tetigerunt, qui in viis propè maris Adriatici sinûs rupes Arbores stare censent, quæ Canis ortu fundant Gummi ab ipsis ita prædicatum; atque parum absona est ratio illorum, qui ex arboribus, ab his Electridis, ab aliis Arphytaeoris dictis, electrum effluere affirmant. Non defuerunt quoque, quorum opinio tulit, succinum Balenæ lentorem vel squalorem existere.

§. VII. Tandem tradiderunt aliqui, lacum quendam, Cephisida dictum, sole excafactum e limô dare electrum fluitans. Interim Plurimi in eô errore detenti fuerunt, ut certò persuasi extiterint, e defluente medullâ ex pinei generis Arboribus, uti gummi e Cerasis, succinum generari, postmodum verò rigore autumnali densari.

§. VIII. Quod Recentiores scriptores concèrnit, itidem magna adhuc inter illos intercedit lis, ita ut reconciliari minimè queant. Ad æs & mineram illud referentes perhibent, quod sit succus mineralis terræ, qui à pinguedine & sulphure telluris ortum trahat, & à frigore Aquæ coaguletur.

§. IX. Alii petroleum resolutum esse dicunt, ibi plerumque reperiri opinantes, ubi naphtha abundat. Hæc qui accuratius perpendunt, bitumen liquidum primò esse ratiocinati sunt, quodque maris falsuginis ope concreſcat, tenui scilicet portione exclusâ. Verum quod nec hi omne tulerint punctum, ex inſequentibus pateſiet.

§. X.